

Ang Aninag Sa Mesias

II Mga Taga-Corinto 4:6, "Kay ang Dios nga nag-ingon, Gikan sa kangitngit may kahayag nga mosidlak, mao siya ang nagasidlak dinhi sa among mga kasingkasing aron sa paghatag kanamo sa kahayag sa kahibalo sa himaya sa Dios, nga anaa sa nawong ni Cristo."

Ang Pulong mao ang Mesias. Motoo ba kamo niana? Buyno, tungod niana **unsa ang aninag sa Pulong? Ang pag-aninag sa Mesias**, nga mao ang Espiritu Santo sa atong taliwala. Siya nagaaninag sa Iyang kaugalingon, nagatinguha, **sa bisan asa Siya nagtinguha nga makakaplag ug suga nga Siya makahimo sa pagtan-aw pinaagi niini, nga wala naasohan sa mga kredo ug mga butang.** Nga Siya makahatag ug Kahayag pinaagi niini (*Mateo 5:14-16*).

Ilang gilansang Siya (si Jesu-Cristo)," ug dinhi, "sila" nagabuhat pag-usab sa mao gihapon nga butang, kay Siya mao ang Pulong. Siya mao lamang ang aninag sa Pulong. **Ug mao kana kung unsa Siya karong panahona, ang aninag sa Pulong, nagtinguha nga makakaplag ug tawo aron moaninag sa Iyang kauglingon pinaagi kaniya.** ^[1]

Si Brother Branham miingon:

Nakabaton ako ug maayong higala gikan didto nga nagawali nianang mensahe: usa ka Pentecostal, nagasulti sa katawhan, nagtinguha sa paghiosa sa mga simbahan, nagaingon nga kinahanglan kita moadto ngadto niini, niining ekumenikanhong kalihokan. Daghan niining mga denominasyon wala motoo sa ulay nga pagpakatawo, ug tanan niining nagkalainlaing mga butang, ug silang tanan nagpasakop ngadto niana. **Magakakuyog ba ang duruha gawas kong sila magakauyon?** Unya, ikaw moingon, "Amen" ngadto niana, ambut kaha kini karon: Tungod niana unsaon sa tawo sa pagsulti niana nga siya Cristohanon ug napuno sa Espiritu Santo, ug mosupak nga ang Pulong mao sa gihapon kagahapon, karon, ug hangtud sa kahangturan? **Ang Espiritu Santo magapanulbok niana nga Pulong, matag Pulong, "Amen. Amen. Amen."** Sa dihang ang Pulong mosulti ug bisan unsang butang, ikaw moingon, "Mao kana ang Kamatuoran." Amen. Tungod kay ikaw miuyon sa Dios. **Ikaw ug ang Dios usa ra. Ang Dios anaa sa sulod nimo.** Ikaw mao ang Iyang anak

nga lalake kon anak nga babaye, **nakahimo kanimo nga mesias alang Kaniya, ang gidihugan nga Pulong nga nagapuyo diha kanimo.**

Hatagi ako ug simbahan **nga sa hingpit kaayo gidihugan sa Dios hangtud ang ilang matag paggawi ug linihokan mao ang MAO KINI ANG GIPAMULONG SA GINOO**, diha gayud nianang himaya sa Shekinah, **akong ipakita ang Mesias** (ang dinihugan sa Dios) nga nagabarug ibabaw sa yuta. [2]

Ug akong ipahayag kaninyo nga si Cristo mao ang Espiritu Santo. **Ang pulong “Cristo” nagpasabut “ang dinihugan.”** Usa lamang ka persona nga dinihugan, mao kana ang Cristo, ang dinihugan (*Juan 1:41; 1 Juan 2:22*). Pila ang nahibalo nga mao kana ang tinuod? Mao kana ang hubad. Ang dinihugan, adunay tawo nga pagadihugan: pagadihugan sa unsa? Ang Biblia miingon sa Mga Buhat 10:38 nga si Jesus nga taga-Nazaret, usa ka Tawo nga gipamatud-an sa Dios, gidihugan sa Espiritu Santo, milibot ug nagapamuhat ug dagkung mga buhat ug mga butang, nga ang Dios nagpadayag, nagpamatuod nga Siya anaa niining tawo.

Ug karon, kita nahimong dinihugan sa mao ra nga Espiritu, dinihugan nga mga mesias, mga mesias sa katapusang adlaw aron sa pag-aninag sa pagkabanhaw ni Jesu-Cristo, aron sa pagpakita nga Siya dili patay; apan diha sa porma nga Espiritu Santo Siya anaa sa Iyang katawhan, nagalihok sa taliwala sa Iyang Pangasaw-onon uban sa paghigugma ngadto Kaniya, **nagabubo sa Iyang kaugalingon ngadto Kaniya**. Sila nahimong usa sa **panihapon sa kasal**; ug ang mao ra nga mga ilhanan, gisaad sa mao ra nga Dios, diha sa mao ra nga Pulong, nagahimo sa Iyang mao ra nga mga pagpadayag. [3]

Tan-awa, si Enoch mao ang buhi nga Pulong sa iyang kapanahonan; siya usa ka profeta. **Ang profeta mao ang igpang-aninag sa Dios**. Pila ang nahibalo niana? Ang igpang-aninag dili magaaninag sa iyang kaugalingon; ang igpang-aninag dili mao ang aninag. **Busa ang profeta** mao ang pinili nga sudlanan sa Dios nga dili makaaninag gayud, apan **siya anaa sa direkta nga linya niana nga aninag, ang Dios, aron sa pag-aninag sa dagway ni Cristo ang Pulong**; walay bisan kinsa nga makahimo niini. **Ikaw mao ang igpang-aninag; mao kana ang hinungdan ang profeta kinahanglan kaonon ang basahon**. Mao kana ang hinungdan nga kinahanglan kaonon niya ang linukot nga basahon (*Pinadayag 10:8-11; Ezequiel 3:1-3*). Kinahanglan nga iyang inaninag kanang Pulong alang nianang kapanahonan. Nakuha ninyo kini?

Matikdi si Enoch, ang hingpit nga igpang-aninag diha sa tipo. Sa dihang ang Dios natapus diha kaniya, Iyang gisagaw lamang siya, gikuha paitaas.

Ang mekanika nga iyang gianinag nahimong denameka uban sa Espiritu, ug gikuha siya (*Heb. 11:5-6*).

Mao gihapon sa mga adlaw ni Eliseo. Si Eliseo, bisan ang iyang mga bukog, diin kanang aninag... **Igpang-aninag sa Dios diha sa iyang lawas** ingon nga nagpadayag nga Pulong sa Dios. Ilang nabutang ang patayng tawo sa bukog niini; siya nabuhi pag-usab (*II Mga Hari 13:20-21*).

Kita mao ang unod ug bukog Niya, samtang kita mao ang Pangasaw-onon ni Cristo (*Efeso 5:30-32*). Motoo ba kamo niana? Buyno. Siya namatay alang kanato, ug kita namatay sa atong mga kaugalingon ug gilubong diha sa Iyang Ngalan (*Roma 6:1-5*), nga kita dili na gayud iya sa kalibutan, apan diha Kaniya, ang tibook pamilya sa langit gipanganlan sunod kang Jesu-Cristo. Mao kana ang Mga Taga-Efeso 3:14-15. Kay ang pamilya sa langit <ug sa yuta>... Unsa ang ngalan sa pamilya sa langit? Jesus. Unsa ang ngalan sa pamilya sa yuta? Buyno, mao kana ang balay sa Dios diin anaa ang Dugo. Tinuod ba kana? Mao kana ang Pultahan, mao kana ang Ganghaan, mao kana ang dapit diin Iyang gibutang ang Iyang Ngalan, ug ang Pulong nahimong unod ug mipuyo uban kanato (*Juan 1:1-2, 14*). **Mao kana ang Pulong nga nagaaninag ug nagakidlap sa kapanahonan nga imong gikinabuhian.** Mao kana kung kinsa Siya; mao kana kung kinsa si Moises; mao kana kung kinsa si Jacob; mao kana kung kinsa ang uban kanila; nagakidlap sa Pulong sa Dios, ang igpang-aninag nga ang Dios nag-aninag sa Iyang kaugalingon. **Ug moabut ngadto nianang hingpit nga Dagway sa Dios, si Jesu-Cristo** (*Col. 1:13-15*), **ang Obra Maestra sa Dios;** gidughang aron Iyang makuha ang tanan kanila alang sa Pangasaw-onon nga nahimong igpang-aninag niya.

Si Moises anaa Kaniya. Si Josue anaa Kaniya. **Ug kung ikaw anaa Kaniya, ikaw anaa Kaniya sa wala pa ang pagtukod sa kalibutan** (*Pinadayag 13:8*). **Ang pamilya sa Dios;** ikaw miantus uban Kaniya; ikaw namatay uban Kaniya; ikaw miadto sa krus uban Kaniya; ikaw nabanhaw uban Kaniya; ug karon ikaw sa gihapon uban Kaniya, nagalingkod diha sa langitnong mga dapit (*Efeso 2:6*). **Nagaaninag sa Mensahe sa kapanahonan ngadto sa kalibutan, ang kahayag sa kalibutan.** “*Kamo mao ang Kahayag sa kalibutan*” (*Mateo 5:14-15*), apan kung kini gitagoan diha sa denominasyonal nga gantangan, unsaon nimo sa pagkakita Niini? Pinaagi sa inyong mga tradisyon, inyong gihimo ang Kahayag nga walay epekto. [4]

Ang pagkamatarung nagsilbi sa iyang panahon diha sa pagkamatarung ilalum ni Luther, unya kini nahimong pagkabalaan pinaagi kang Wesley. Ug ang pagkabalaan nagsilbi sa iyang panahon hangtud miabut kini sa bautismo sa Espiritu Santo. **Ug ang bautismo sa Espiritu Santo nagsilbi sa iyang panahon hangtud sa Espiritu Santo** (nga adunay usa lamang ka Dios) misagol ngadto sa iglesia, kon sa iglesia ngadto kang Cristo, nga

nakapahimo kang Jesu-Cristo nga gianinag ngadto sa yuta. Mao kana kung unsa ang Iyang gisaad dinhi sa Biblia. [5]

Karon, adunay usa ka Agianan, usa ka lunsay, balaan nga Agianan (*Heb. 10:19-22*), **ang tagboanan nga dapit lamang nga ang Dios makitagbo kanimo.** Dili nga ikaw moingon, “Dios, karon, ako usa ka maayong Methodist. Usa ako ka maayong Baptist. Maayo ako nga Pentecostal.” Dili. **Tungod kay ikaw anaa kang Jesus ang Pulong, ang bahin sa Pulong nga napadayag karong panahona, kining mensahe sa adlaw,** dili si Luther, Wesley, Pentecostal; **apan ang imong Jesus, ang aninag,** nga mitungha ngadto niini. Dili ka makabalik ngadto niana; mao kana ang pagdugang ug igpapatubo ngadto sa imong balaan nga Tinapay, nga, “Ang tawo mabuhi sa matag Pulong nga magagala sa baba sa Dios diha Iyang Panahon” *Mateo 4:4*).

[4]

Busa kita nakaamgo nga kita ania dinhi diha sa **negatibo nga porma.** Samtang adunay negatibo, adunay positibo, tungod kay ang positibo ang naghimo sa negatibo. Sama nga ikaw adunay hulagway nga negatibo sa ubang butang. Kinahanglan adunay usa ka butang sa usa ka dapit aron moigo—ang kahayag moigo nianang mga lente kondili walay bisan unsa nga negatibo. Busa sa dihang atong makita nga ang atong kinabuhi dinhi anaa sa negatibo ug sa nahibalo nga kita mao ang dagway sa ubang kinabuhi sa usa ka dapit, nan kita nahibalo nga **adunay positibo** sa usa ka dapit nga ang kahayag miligo, ug kini mianinag sa usa ka butang dinhi sa yuta. **Ug kita mao lamang ang aninag niana.** Ang tinuod nga butang atua sa usa ka dapit. Kung kana dili, ako mao ang labing nalimbongan nga tawo sa kalibutan; akong gigugol ang akong kinabuhi sa kakawangan. Apan ako nahibalo sa walay pagduhaduha nga kini anaa didto. Mao kana ang hinungdan ngano nga ania kita dinhi. [6]

Dinhi, ingon sa makadaghan ako miingon, ako nagatoo, sa iglesia dinhi, adunay rolyo dinhi sama sa; dinhi nagapuyo ang may kamatayon nga mga linalang. Ug ang matag-usa ania niining dakung tipon-og sa sala, sa kaitom ug kangitngit. Ang mga tawo nagapuyo dinhi. **Karon, sila nainpluwensyahan gikan niini nga paagi kon gikan niana nga paagi.** Dili ka mahimong maania dinhi usa ka espirituhanon nga linalang, makasala kon balaan, **nga dili mainpluwensyahan gikan sa kinailaluman kon gikan sa ibabaw sa kalibutan** (*Filipos 2:9-11*). Kung ikaw nainpluwensyahan dinhi, ikaw gikan sa itaas. Ang imong **espirituhanong lawas** nagapaabut dinhi. Apan kung ikaw dautan, ug nagpakaaron-ingnon, ug walay pagpakabana, ang imong espirituhanong lawas anaa sa ubos dinhi, bisan kung unsa ka daku ang imong paghunahuna nga kini atua sa itaas didto; **tungod kay ang bunga nga imong**

gibunga atubangan sa katawhan nagpamatuod kung asa ka gikan (*Mateo 7:16*). **Busa ikaw ania dinhi kung unsa ikaw sa ubang dapit. Ang imong kinabuhi nga imong gikinabuhi dinhi nagaaninag lamang kung unsa ang imong panulondon sa dihang mobiya ikaw dinhi.** Nakasabut ba kamo?

Kita karon (oh, sa dihang ako naghunahuna niana)—**kita karon nahimaya diha sa presensya sa Dios** (*Roma 8:22-23*). Tinuod ba kana? Ang sakit, ug mga kasakit, ug mga kanglungol, ug mga kapakyasan, ug mga sakit sa kasingkasing, ug... Oh, ako malipayon sa dihang ang karaang balay sa peste matapos na, dili ba? Oo, sir. Makahimo na kita pagpauli sa pinuy-anan. [7]

Sa gikaingon ko sa sinugdan, **kung unsa ikaw sa usa ka dapit mao ang imong gianinag dinhi.** Kung unsa ikaw, unsa ang imong espirituhanon kon yutan-ong lawas sa itaas, unsa ang imong espirituhanon nga lawas sa usa ka dapit **mao ang imong gianinag balik dinhi. Sa espiritu nga yuta, kung unsa ikaw, mao ikaw dinhi.** Kung ikaw sa gihapon bastos ug hunahuna ug uban pa sa espiritu nga yuta, ikaw bastos ug hunahuna dinhi. Kung ikaw sa gihapon adunay pagkadautan, kasina, ug pagbahinbahin, ikaw anaa sa espiritu nga yuta uban niana, kini magaaninag balik dinhi. Apan kung ang imong tibook kinasuloran nga pagkatawo nahinloan, nagpakita kini nga ikaw nakabat-on ug lawas sa unahan nga nagapaabut, nga nahinloan, ug kini milihok balik diha sa unod. Wala ba ninyo nakita? Nakita ninyo, mao kana. “*Kung kining yutan-ong payag matun-as kita adunay balay nga nagapaabut*” (*II Cor.5:1-4*). Nakita ninyo? [8]

Oh, unsa ka kamatuoran!

Reperensya:

- [1] “Ang Kiha” (63-0707M), par. 183 / 116-117
- [2] “Unsay Inyong Sulti Kinsa Kini” (64-1227), par. 124 + 138
- [3] “Hingpit Nga Pagtoo” (63-0825E), par. 154-155
- [4] “Ang Gikatangana Lamang Sa Dios Nga Dapit Sa Pagsimba” (65-1128M), par. 267-271, 278
- [5] “Adunay Usa Ka Tawo Dinhi Nga Makapasisa Sa Suga” (63-1229M), par. 187
- [6] “Ang Obra Maestra” (64-0705), par. 11
- [7] “Mga Pangutana Ug Tubag” (54-0103E), COD-Basahon pahina 111-112, par. 37-38
- [8] “Mga Pangutana Ug Tubag” (54-1003M), COD-basahon pahina 71-72, par. 78

Espirituhanong Bato Sa Pagtukod Nu. 103 gikan sa Gipadayag nga Pulong niini nga takna, gihugpong ni: Gerd Rodewald, Friedenstr. 69, D-75328 Schömburg, Germany. www.biblebelievers.de, Fax: (+49)72 35 33 06

Adunay moabut nga magadala sa Mensahe nga gikan gayud sa Biblia, ug sa dinalian nga tahas molibut sa kalibutan. Ang mga binhi mabutang sa mga pamantalaan, basahong mga butang, hangtud ang tanang gipili nang daan nga Binhi sa Dios makadungog Niini. [Si Brother Branham sa iyang “Kagawian-Kahusay-Doktrina” pahina 724]